

LAB_Volume One (Aruba's Carnival History with a case study 2004-2008): Documento historico den conservacion di Aruba su Herencia Cultural por medio di Carnaval

Acuril (Association of Caribbean University, Research and Institutional Libraries) ta un organisacion Caribeense cu ta promociona y yuda reenforza colaboracion y desaroyo entre bibliotecanan, archivonan y otro fuenteenan di informacion den region di Caribe. Acuril ta apoya y sostiene profesionalnan riba e terenonan aki por medio di networking, desaroyo profesional y proyectonan colaborativo.

Tres pa cuatro siman pasa, Sr. Friedrich 'Chibi' van der Hans a tende cu Acuril 2025 lo ta na Corsou di 9-12 di Juni. Mesora el a acerca Astrid Britten cu un plan: pa cada pais cu participa cu

Acuril 2025 ricibi un copia di LAB_Volume One pa hiba back pa nan biblioteca, universidad of archivo.

Astrid Britten a duna su sosten na e plan considerando e importancia di por comparti locual ta Aruba su Herencia Cultural por medio di Carnaval, den forma di e publicacion grandi aki cu ta LAB_Volume One. Tabatin 24 pais a registra pa participa cu Acuril 2025.

Siguientemente Sr. Van der Hans a skirbi carta pa Ministernan di Cultura y di Enseñansa considerando e balor cultural y asina educativo di e publicacion. E tempo tabata hopi cortico pero tur hende apoya e idea y finalmente ta



Departamento di Cultura a haya e opdracht pa tuma e proyecto aki bao di nan encargo cu tur aprobacionnan necesario.

Danki ta bay tambe na Mastercargo pa percura pa e carga yega bon y na tempo te na porta di Acuril. Sin duda pal-

abranan di gradicimento na e comite organisatorio di Acuril specialmente Nitzah Jacobus pa traha un espacio den nan programa.

Dia 12 di Juni ultimo durante e ceremonia di clausura, despues di un speech di Zet-sia Ponson hunto cu Astrid Britten, tur 24 pais a ricibi



nan ehemplar di LAB_Volume One.

Por a compronde di Astrid Britten ta cu tur hende a keda impresiona y hopi contento cu nan bukinan.

Paisnan cu participa: Curaçao, Guyana, Jamaica, Bahamas, Republica Dominicana, Trinidad & Tobago, Puerto Rico, Haiti, Surinam, Barbados, Venezuela.

Filomena College MAVO cu 83% di graduado



Diahuebs atardi pa 4:30 Filomena College MAVO na San Nicolas a anuncia e cantidad di graduado pa aña 2025.

Cu musica di Dj Eli acompaña pa e maestronan bisti cu uniforme di compania di aviacion, esta filomena airlines, e mc meneer Addonsito Croes a duna inicio n'e atardi.

Tabata ex-directeur Ebby Goedgedrag esun cu a duna tur presente palabranan di motivacion pa medio di su

reflexion. Director Raquel Lampe a yama tur presente bon bini y a desea tur e tudiantenan tur exito di mundo y pa esnan cu no a logra, pa nan no give-up como cu bida tin hopi oportunidad pa nos tur. Cu 83% den prome tanda, Filomena College MAVO ta satisfecho y ta desea tur esnan cu tin cu bay pa tanda 2, hopi exito. Tabatin 69 candidato.

Danki special ta bay na cada mayor, estudiante y e team completo di e scol pa e esfuerso y confiansa pa hopi aña caba.

APEROL SPRITZ **MOËT & CHANDON CHAMPAGNE**

TURN UP THE SUN

JUNE 20, 2025

DJ Aguilar 5:30pm
Marisela Band 7:30pm

ZIMA.ARUBA
Reservation number: 699-9317

JOIA BY BEROSTAR **ZIMA**